



Broj:
Sarajevo: 3.6.2019.

**PREDSTAVNIČKI DOM
PARLAMENTARNE SKUPŠTINE
BOSNE I HERCEGOVINE**
n/r predsjedavajuće

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

| | | | |
|------------------------|-----------------------|------------|--------------|
| PRIMLJENO: 03.06.2019 | | | |
| Organizaciona jedinica | Klasifikaciona oznaka | Redni broj | Broj priloga |
| 0150-115 | | -2 | 19 |

U skladu sa članom 166. i 170. Poslovnika Predstavničkog doma Parlamentarne skupštine BiH („Službeni glasnik BiH“ br. 79/14, 81/15 i 97/15) postavljam sljedeće

POSLANIČKO PITANJE

1. Da li nadležni organi u Bosni i Hercegovini poduzimaju mjere za sprječavanje nelegalnog uvoza, prometovanja i korištenja pesticida i insekticida, a čiji je uvoz zabranjen Zakonom o fitofarmaceutskim sredstvima? Da li fitosanitarni, poljoprivredni i sanitarni inspektori iz nadležnih inspektorata preduzimaju mjere iz člana 55. i 56. Zakona o fitofarmaceutskim sredstvima u BiH, a nadležni carinski organi preduzimaju mjere za sprječavanje njihovog uvoza u skladu sa zakonima i propisima o zabrani uvoza insekticida i pesticida?

Obrazloženje:

Toksične materije Insekticid „furan“ i pesticid „kreozan“ su već nekoliko godina zabranjeni u Europskoj uniji i Bosni i Hercegovini, ali i dalje se koriste u našoj zemlji, iako je njihov uvoz, prometovanje i upotreba zabranjeno Zakonom o fitofarmaceutskim sredstvima u BiH iz 2004. godine.

Pesticid „Furan“ je prema Zakonu o fitofarmaceutskim sredstvima u BiH zabranjen za upotrebu jer sadrži aktivnu materiju karbofuran, izuzetno je toksičan i može izazvati trovanje, te je njegovo korištenje zabranjeno u Evropskoj uniji, ali i Bosni i Hercegovini. Od posljedica korištenja pesticida, godišnje u svijetu umre 200.000 ljudi, a pesticidi se najduže zadržavaju u jagodama, jabukama, grožđu, breskvama, trešnjama, malinama, spanaću, paprikama, krastavcima, zelenoj salati i šargarepi.

„Kreozan“ je insekticid koji se u voćnjacima koristio za suzbijanje insekata, dok se „furanom“ tretiralo sjeme kukuruza, suncokreta i šećerne repe.

Insekticidi su savremena hemijska sredstva za uništavanje štetnih nametnika u poljoprivredi, šumarstvu, komunalnoj higijeni, veterinarskoj medicini i u domaćinstvu. U našoj zemlji registrovano je više grupa insekticida od kojih poseban toksikološki značaj imaju organofosfori, organohlorini, karbamatski i dinitrofenoloski insekticidi. Među insekticidima dugo godina su dominirala organohlorna jedinjenja, ali se zbog njihove dugotrajne perzistencije i bioakumulacije sve više zamenjuju organofosforima i karbamatskim insekticidima.

Kreozan spada u kategoriju pesticida za zimsko prskanje voćki, međutim, kreozan je vrlo opasan za sve toplokrvne organizme. Trovanje kreozanom pasa dešava se gotovo svakodnevno. Vlasnici i veterinari se sve češće suočavaju sa posledicama koje izaziva trovanje kreozanom. Kumarini, i ostali otrovi namenjeni glodarima više nisu toliko dominantni u slučajevima trovanja pasa. Osim za životinje smrtonosan je i za ljude! Kreozan je praškasta supstanca kojoj se za potrebe bezbijednog transporta dodaje voda. Na taj način se dobija emulzija koja ima intenzivnu, gotovo fluorescentnu žutu boju.

Evidentno je da u Bosni i Hercegovini, kao i na području susjednih zemalja cvjeta crno tržište zabranjenih pesticida i insekticida.

Pitanje postavljam Ministarstvu vanjske trgovine i ekonomskih odnosa Bosne i Hercegovine.

Odgovor tražim u pisanoj formi, u skladu sa članom 171. Poslovnika Predstavničkog doma Parlamentarne skupštine BiH.

Zastupnica SDP BiH
Nada Mladina

